



## **Universitätsbibliothek Paderborn**

**Defensio Abbatiæ Imperialis S. Maximini**

**Zyllesius, Nicolaus**

**Treveris, 1638**

§ 3. Abbas præfatus ab Imperatore & Imperio Feuda Jurisdictionem &  
Regalia accipit.

**urn:nbn:de:hbz:466:1-14268**

lato Maximiniano per litteras Imperiales tanquam Statu Imperii citato nomine Monasterii habuit Procuratorum & sufficientem potestatem. Idemque doceri potest tum ex simili Procuratorio, quod concessum Officiato S. Maximini Theodoro Scipioni von Krietschen & Claudio Musiel, pro parte Abbatis Petri, ad Comitia Anno MDLXVI. euocati, profectis, tum etiam ex ipso eiusdem anni Imperiali Recessu, in quo nomen Abbatis eiusque missorum appresum reperitur. Idem doceri potest ex Procuratorio alio, quod Abbas in simili causa impertivit Ioanni ab Hattstein Catholicæ Maiestatis Luxemburgi Consiliario, quando ad Comitia Imperialia Ratisbonam Anno MDCII. profectus nomine Monasterii accepit pleni potentiam. Sed & Anno MDCVIII. ad Dietam Imperialem suo nomine alegauit Abbas Reinerus illuc conscriptus, quendam de conuentualibus suis Nicolaum Nouilanum, adiunctis illi Praefato Ioanne ab Hattstein, & Georgio Millæo Leuchtenburgensi Consiliario iuxta ac Cancellario, qui Nicolaus sessionem & suffragium consuetum inter Imperiales Status habuit, registratus in Moguntina Archicancellaria. Item & Anno MDCXIII. ad indicta Comitia misit idem Abbas Reinerus & Coadiutor eius Nicolaus conuentualem suo nomine, Dominicum Wissendorff, cui ad iunctus fuit Engelbertus de la Neuforge Regius Consiliarius & Procurator Generalis Luxemburgi.

*S. 3. Abbas præfatus ab Imperatore & Imperio Feuda  
Jurisdictionem & Regalia accipit.*

ID notissimum est, & ab ipsis Archiepiscopis propria confessione agnatum. Et probatur adhuc per ea omnia Diplomata, quibus Imperatores Regesque sibi potestatem in Abbatiam priuatiè quoad cæteros omnes retinuerunt, quibus Abbatii ac Monasterio, feuda, Regalia, Curtes siue Curias Iurisdictionesque concederunt ac donârunt: Ita ut in bonis Monasterij vix quicquam reperire sit, quod ab Imperatoribus, Regibus, supremisque Principibus immediate ad Monasterium per beneficium non processerit, ab Archiepiscopis vero ne hilum quidem.

Probatur itidem per ipsa Maximiliani I. Diplomata Anno MCCCC LXXXV. expedita, per quæ Imperator Archiepiscopo mandauit, ut Imperatoris Imperijque nomine ac authoritate Abbatem de feudis Regalibusque inuestiret, siue inuestituras renouaret: Abbatii vero ut eadem feuda ac Regalia praedicto modo, Imperij scilicet Imperatorisque nomine & vice ab Archiepiscopo deinceps reciperet. Vnde sequitur feuda ista ac Regalia ab Imperio moueri, & Archiepiscopos tanquam Procuratores & Commissarios Imperatoris ad dictas inuestituras renouandas constitutos, de quo alibi latius.

Neque vero Mandatum hoc & Commissionem grauter tulerunt Abbates, quippe, quorum nihil intererat per Imperatorem ipsum, an per eius Procuratorem & ipsius Imperatoris Imperijque nomine & vice ab Archiepiscopo inuestituras acciperent; quin imò è re ipsorum erat à molestis ad aulam Cæsaream Professionibus hoc pacto liberari.

Quæ clarè omnino demonstrantur documentis sub Num. 51. & seqq. exhibitis, vbi etiam habetur forma Regalium, quibus Ottoneum Abbatem Ioannes Archiepiscopus primum inuestiuit. quæ forma deinceps seruata est ab eodem Archiepiscopo Ioanne Anno MDII. circa Abbatem Thomam Ottonis Suc-

cessor-

cessorem: & circa Abbatem Vincentium Anno MDXIV. ab Archiepiscopo Richardo à Greiffenclau Anno MDXXVI. circa Abbatem Ioannem Cellis, Vincentij Successorē; ab Archiepiscopo Ioanne ab Isenburg Anno MDXLIX circa seipsum tanquam Abbatem Commendatarium. Idem confirmatur ex formula Iuramenti Abbatis in susceptione Regalium fieri solita, & ab ipso Isenburgico seruata, qua manifeste Abbas fidelitatem iurat Imperatori & Imperio, ut videre est Num. 52. & N. 57.

Ex quo sanè sequitur evidenter Abbatem S. Maximini in Iurisdictione regalibusque esse Vasallum Imperij, & cùm præterea votum & sessionem habeat in Conuentibus, cum esse Statum & membrum Imperij. Vbi notandum est quod in inuestitura instrumentis vocatur **INSIGNE** membrum, quo non vulgaris aut simplicis, sed præcellentis membra qualitas indicatur. Quod & alijs subsequentibus immediati Status notis particularius elucescet, his scilicet.

*S. 4. Abbas S. Maximini habet singularem Dignitatem in Imperio nimirum Archicapellani Romanorum Imperatricis officium.*

**H**oc enim verò solum sufficere arbitror, cur Monasterium censeatur & sit **INSIGNE** S. Rom. Imperij membrum, quod in Imperatoria Aula illustri officio Palatino eius Abbas sit insignitus.

Eiusmodi officia non nisi immediatis, & illis quidem eminentibus statibus annexa sunt. Ita videmus Archiepiscopos, Electores esse Imperij Archicancellarios, Regem Bohemiæ Archipincernam, Ducem Bauariæ Archidapiferum, alios inferiores Principes & Status inferiora officia exequi, & non modò Imperatori sed & Imperatrici Romanorum suos esse officarios Palatinos, cuius Archicancellarium esse Abbatem Fulensem constat.

Equidem eos Principes & Status, qui eiusmodi officia in Imperio Imperato risque aula obeunt singularibus prærogatiis, priuilegijs ac immunitatibus gaudere, etiam antiquæ Imperatorum Leges multipliciter sanciunt, ut videre est in Codice Iustinianæ Tit. de Palatinis factatum largitionum. Item de priuilegijs eorum, qui in sacro Palatio militant: Immunitate enim digni sunt, quos Imperatorij lateris comitatus illustrat. L. vnic. C. de præpositis laborum.

Iam verò Abbatem S. Maximini esse Imperatricis Archicapellanum, idque à septingentis propemodum Annis & ad Reginam ac Imperatricem confirmandam & benedicendam perpetua lege constitutum.

In Imperio quidem receptum & notum esse constat ex Frehero in notis ad Petrum de Andlo l. 2. c. 7. Vischero in disc. de Elect. concl. 39. n. 222. Antonio de Yepes in Chron. S. Benedicti T. 2. Cent. 2. c. 2. alijsque scriptoribus, sed ex documentis & diplomatis à nobis exhibitis firmiter probatur.

Nam sic habet Ottonis Magni Rescriptum, *Decernimus atque iubemus, ut præfatus Abbas S. Maximini Villeherus, omnesque sui Successores prædictæ coniugi nostræ Adelheidæ scilicet, imperatrici, alijsque post illum Reginis & Imperatricibus ad Capellam, ad mensam in Curia seruant &c.* Et deinde, *Quotiescumque ad Regalem Curiam venerint, de Regia mensa pascantur, & inter Curtiales ac domesticos Regis & Regine, qui Regio cibo vescuntur non insimili semper habeantur, prout decet illum sacrissimum locum & prouisores & ministros illius Ecclesie, per quam cuncti Reges & Imperatores per vicissitudines temporum, cum suis Conjugibus in*